

FIOVANA

MIFOTOTRA

AMIN'NY FAHAMARINANA

ANDIANY I



**TENY FAMPIDIRANA HO AN'NY ASA
FANOMPOANA MAHAKASIKA NY SEHA-**

TORO LALANA HO AN'NY MPIANATRA

Lohahevitra ato anatin'ny

Lesona 1: Ny Tantara manontolo	3
1.1 Toro lalana momba ny fifanakalozan-kevitra ataon'ny vondrona madinika.....	6
1.2 Anjara lalaovina: Adama sy Eva	3
Lesona 2: Manan-danja lehibe amin'Andriamanitra ny olombelona	7
2.1 Toro lalana momba ny fifanakalozan-kevitra	7
Lesona 3: Tiavo Andriamanitra, tiavo ny namantsika	8
3.1 Anjara lalaovina: Ny mpitory filazantsara	8
3.2 Toro lalana momba ny fifanakalozan-kevitra	10
Lesona 4: Lioka 2:52	11
4.1 Toro lalana momba ny fifanakalozan-kevitra	11
4.2 Fafana milaza ny fitomboana.....	12
Lesona 5: Tian'Andriamanitra hanampy ny fiangonana	13
5.1 Fanadihadiana tranga maromaro	13
5.2 Fafana manambara ireo fomba entina manampy.....	15
Lesona 6: Inona avy ireo filàna azontsika itondrana fanampiana	16
6.1 Ny mpitandrina Wong.....	16
6.2 Fanadihadiana tranga: Jose sy Maria.....	19
Lesona 8: Fahazoana tsara ny fomba entina manampy.....	20
8.1 Toro lalana momba ny fifanakalozan-kevitra mikasika an-dRamatoa Lee.....	20
8.2 Toro lalana momba ny fifanakalozan-kevitra mikasika ny fianakaviana sahirana ...	21
Lesona 9: Hetsi-pitiavana.....	22
9.1 Toetra mampiavaka ireo hetsi-pitiavana	22
Lesona 10: Fandrafetana ireo hetsi-pitiavana.....	25
10.1 Antontan-taratasy fandrafetana.....	27

Lesona 1: Ny Tantara manontolo

1.1 Toro lalana momba ny fifanakalozan-kevitra ataon'ny vondrona madinika

Ny fiandohana

Mifototra amin'izay ianarantsika ao amin'ny Genesisy 1-2, Ahoana no hamalianao ireto fanontaniana ireto?

- Nanao ahoana ny endriky ny tontolo tany am-piandohana tao amin'ny saha Edena?
- Nanao ahoana ny endriky ny fifandraisana nisy tamin'I Adama sy Andriamanitra?
- Nanahoana ny fifandraisana nisy tamin'I Adama sy Eva? Azonao heverina ve fa nifanakalo hevitra matetika izy ireo?
- Nanao ahoana ny fifandraisan'I Adama tamin'ny zavaboahary? Afaka nahazo izay rehetra nilainy ve Adama? Nanana sakafo ampy ve izy?

Ny Fahalavoana

Araka ny anjara lalaovina sy izay novakiana tao anaty baiboly, Inona avy ireo olona atrehin'olona vokatry ny fahalavoana?

- Vakio Genesisy 3:8,10 – Nandritra ny fahalavoana, inona no nitranga tamin'ny fifandraisan'ny olona sy Andriamanitra?
- Vakio Genesisy 3:12 - Nandritra ny fahalavoana, inona no nitranga tamin'ny fifandraisan'ny olona samy olona?
- Vakio Genesisy 3:15 - Nandritra ny fahalavoana, inona no nitranga tamin'ny fifandraisan'ny olona sy ny zavaboary?

Ny Iraka

ABRAHAMA - Vakio Genesisy 12:1-3. Ao amin'ny tapany milaza fa Andriamanitra dia nanandratra an'i Abrahama ary nitahy azy, Inona ny antony nitahiany an'i Abrahama?

MOSESY

- Mahasahana ny zavatra ara-panahy ihany ve sa mahasahana ny fifandraisantsika amin'ny samy olona sy ny zavaboary koa ny lalàna?
- Vakio Deoteronomia 28:1-14. Inona no lazain'Andriamanitra fa mety ho vokatry ny fankatoavantsika ireo didy ireo? Ho an'ny zavatra ara-panahy ihany ve sa ho an'ny fiainana ara-batana sy koa ny fitahiana nampanantenain'Andriamanitra?

Vakio 2 Tantara 7:14

- Iza no antsoin'Andriamanitra hanetry tena sy hivavaka?
- Inona no lazain'Andriamanitra fa mety hitranga raha mankato izy ireo?

Ny Hazo fijaliana

Vakio Kolosiana 1:19-20. Inona no antony nahafatesan'i Jesosy?

Ny fiverenana indray

Vakio Apokalipsy 21:1-7

- Any amin'ny farany, manahoana ny mety ho endriky ny fifandraisan'Andriamanitra sy ny olona?
- Manahoana ny mety ho endriky ny fifandraisan'ny olona samy olona?
- Manahoana ny mety ho endriky ny fifandraisan'ny olona amin'ny zavaboary? Hanan-kohanina ampy ve isika? Mbola harary ve isika?

Lesona 1: Ny tantara manontolo

1.2 Anjara lalaovina: Adama sy Eva

“Resadresaka nifanaovan’i Adama sy Eva”

Adama: (Manao zaridaina) Eva, miasa mafy ao an-jaridaina taorian’ny nihinanana ny voankazo ka nampalahelo an’Andriamanitra!

Eva: Eny, ny ankizilahintsika izao dia tsy mifankahazo tsara intsony. Mifamaly izy ireo ary mifampikapoka. Enga anie mba tsy hiharatsy izany! Ary ireto ravin’aviavy ratsy ireto no tsy maintsy tafiako – Mba jereo anie ity haratsiny!

Adama: (Mamaly resaka) Eny e, tsy afaka mividy akanjo vaovao isika, ka aza mitarina! (Miato kely) Tsaroako ny andro fahiny, rehefa niara-dia tamintsika sy niresaka tamintsika Andriamanitra. Ankehitriny dia manahirana azy aza ny fisiansika manodidina eto. Ary tsarovy ny nankatoavan'ny biby rehetra antsika? Ankehitriny dia mihorohoro sy mandositra antsika izy ireo!

Eva: Eny, na koa miezaka ny hanaikitra antsika! ooh ... Halako ny bibilava! Sahala amin’ny tsy mino aho hoe nandray torohevitra avy tamin'ny bibilava iray! Izao korontana rehetra izao dia ny fahadisoan’ny bibilava no nahatonga izany!

Adama: Tsia, fa fahadisoanao izany! Tsy mba misy zavatra tsara mihitsy ataonao! Nahoana moa aho no nandray torohevitra avy amin'ny olona iray nandray torohevitra avy amin'ny bibilava e?

Eva: Aza omena tsiny aho e. Ianao no tompon’ny fahadisoana! (Miato, malahelo) Azafady e - tsy manampy antsika ny mitabataba. Adama a, araka ny eritreritrao, mety mbola hiverina ho toy ny taloha ihany ve ireo zavatra ireo?

Adama: Tsy fantatro, Andriamanitra ihany no afaka handamina izao fikorontanana izao!

Eva: He! Aoka e! Inona indray? (Mihiaka sady mihazakazaka mivoaka) Aza miady intsony ianareo roa lahy! Aoka izay. Maheno ahy ve ianareo? Hambarako ny rainareo izao, ary tsy hahafaly azy izany!

Adam: (Miverina ao an-jaridaina, misento) Miasa, miasa, miasa, miasa, miasa, miasa,....

Lesona 2: Manan-danja lehibe amin'Andriamanitra ny olombelona

2.1 Toro lalana momba ny fifanakalozan-kevitra

Vakio Genesisy 1:26-27

- Inona no mampiavaka ny olona amin'ny zavaboary hafa rehetra? Inona no modely nampiasain'Andriamanitra ho an'ny olombelona?
- Inona avy ny sasany amin'ireo toetran'Andriamanitra hita ao amin'ny olombelona? Mamantara betsaka indrindra araka izay azonao atao.

Vakio Salamo 139:13-16

- Inona no ambaran'io andininy io antsika momba ny maha zava-dehibe ny olombelona?
- Heverinao ve fa mihatra amin'ny olona sasany sa amin'ny olona rehetra io andininy io?


Fifanakalozan-kevitra atao anaty vondrona madinika:

- Iza avy ireo olona sasany heverina matetika ho tsy manan-danja?
- Inona avy ireo fomba hahafahantsika mampiseho amin'ny olona fa manan-danja lehibe amin'Andriamanitra izy ireo?

Lesona 3: Tiavo Andriamanitra & Tiavo ny namantsika

3.1 Anjara Lalaovina: Ny mpitory filazantsara

Teny fampidirana ataon'ny mpitantara: Ny kristiana indraindray dia manana izay lazaintsika hoe "fomba fijery tery ny amin'ny filazantsara". Heverin'izy ireo fa ny fanekena an'i Jesosy dia fanapahan-kevitra ny amin'ny fahafatesana sy fiainana ihany ary tsy misy zavatra hafa azony ankoatr'izay. Raha jamba ka tsy mahita ny filàn'ny mpifanolo-bodirindrina aminy izy, dia very na tsy misy dikany ny hafatra ampitain'izy ireo. ...



Androany dia hitsidika trano mahantra isika. Ny hany mponina ao dia olona iray mahantra sady marary (PSP) matory eo am-pandriana. Mpitory filazantsara Kristiana iray (EV) izay manao fitoriana filazantsara isan-tokan-trano no tonga mamangy.

EV: Haody o, haody e? Aiza ny olona o! Afaka mandroso ve? (mandroso)

PSP: (feo marefo mamaly) Ato ihany e...

EV: Manakory e! Izaho no _____ avy amin'ny fiangonana _____. Tonga aho androany hanasa ny olona rehetra ho any am-piangonanay. Ny Tompo dia nanome fitahiana lehibe anay ny amin'ny fifohazam-panahy ka angamba tsy tokony ho diso anjara amin'izany ianao.

PSP: (Misento sady miteny mitsitapitapy) Tsy afaka ny ho any e....., izao tsy afaka mihetsika am-pandriana izao....., tsy afaka mihetsika akory fa marary ny aiko..., very ny asako..., tsy manam-bola hividiana fanafody aho....., na sakafo..., ary tsy misy andoavana hofan-trano....

EV: Olona lehibe izany atrehinao izany, nefa izaho mahafantatra olona iray izay afaka mamaha ny olona rehetra amin'ny fiainana. Efa nanaiky an'i Jesosy ho Mpamonjy ny fiainanao manokana ve ianao?

PSP: (mamaly amin'ny feo malemy) Ny fianakaviako sy ny namako samy nandao ahy daholo rehefa narary sy tsy nanana asa intsony aho... Mba misy olona avy amin'ny fiangonanareo ve afaka hanampy ahy azafady?

EV: Ny fanampiana tsara indrindra tokony ho azonao dia jereo eto amin'ity taratasy kely ity. Manazava ny drafitr'Andriamanitra ny amin'ny fiainanao izany. Fantatrao ve fa tsy sitrapony mihitsy ny handrianao eto! Raiso ity, vakio, ataovy ny vavaky ny mpanota, ary minoa e!

PSP: (Reraka be) tsy vitako e... reraka loatra aho... (tsy niresaka intsony ary nandry tsy nihetsika.)

EV: (Mitsapa ny fitempon'ny fo) Hay mbola velona! Deraina Andriamanitra, Tena tonga ara-potoana teto aho hijoro vavolombelona! Havelako eto ity trakta ity ary tsara raha mandeha aho mba

hanao asa fanompoana amin'ny fanahy hafa izay mbola very. (Miteny mafy eo an-tsofin'ilay lehilahy mahantra) Hivavaka ho anao zahay e. Tadidio fa Jesosy ihany no vahaolana (sady lasa)

PSP: (Mitazana azy dify sady misento) Ohhhhhhhhhhh.....

(Tsy manao zavatra hafa na mifanaraka amin'ny tranga misy)

Lesona 3: Tiavo Andriamanitra & Tiavo ny namantsika

3.2 Toro lalana momba ny fifanakalozan-kevitra

Vakio ireto an-dalan-tsoratra masina manaraka ireto:

Matio 22:36-40

Marka 12:28-31,33

Lioka 10:27

Matio 7:12

Romana 13:9

Galatiana 5:14

Inona avy ireo fitoviana sy fahasamihafana ao amin'ireo andininy enina ireo?

Inona no nolazain'i Jesosy fa lehibe indrindra amin'ireo didy roa ireo?

Amin'ny fotoana manao ahoana no voatambatry ny iray amin'ireo didy lehibe ny Lalàna sy ny Mpaminany, inona izany?

Nahoana araka ny eritreritrao no nifidy hamintina ny Lalàna sy ny Mpaminany ao amin'ity didy ity Jesosy?





Lesona 4: Lioka 2:52

4.1 Toro lalana momba ny fifanakalozan-kevitra

1. Niseho tampoka sy haingana ve ny fitomboan'i Jesosy sa nanaraka dingana nandritra ny fotoana naharitra?
2. Inona avy ireo toe-javatra niainana ara-batana / ara-pitaovana / ara-tsosialy izay nitomboan'i Jesosy? (Nankany amin'ny anjerimanontolo ve izy, sa nisy herin'aratra tao an-tranony?) Nanana sakafo ampy ve izy? Afaka namaky teny sy nanoratra ve izy? Nanana ray aman-dreny be fitiavana ve izy?)
3. Moa ve i Jesosy nanana ny loharano nilainy rehetra mba hahatanteraka ny fikasan' Andriamanitra ho Azy? Nahoana?
4. Harena manao ahoana no ilaina mba hahatrarana ny fikasan'Andriamanitra?
5. Sehatra efatra amin'i fiainana no nitomboan'i Jesosy. Afaka manampy ny hafa hitombo amin'ireo sehatra ireo ve isika? Amin'ny fomba ahoana?
6. Raha naharitra taona maro ny dingam-pitomboan'i Jesosy, halavam-potoana manao ahoana no ilain'ny olona hafa amin'ny fitomboany? Hafiriana no fotoana tokony hiomanantsika amin'ny fitomboantsika hahafahantsika manampy ny hafa amin'ny fitomboany?

Lesona 4: Lioka 2:52

4.2 Fafan'ny fitomboana

Toe-javatra	Sehatra nitomboan'i Jesosy			
Ny fitomboana	Fahendrena	Ara-batana	Ara-panahy	Ara-pifandraisana
 ny tenany manokana				
 Ny ankohonana				
 Ny fiangonana				
 Ny fiaraha-monina				

Lesona 5: Tian'Andriamanitra hanampy ny fiangonana

5.1 Fanadihadiana tranga maromaro

Tantara 1 – Lamba fitafy ho an'ny mahantra

Ny mpikambana ao amin'ity fiangonana ity dia nihevitra fa mpivavaka ory sady vitsy an'isa izy ireo. Natahotra ny hanao asa fanompoana ivelan'ny fiaraha-monina kristiana izy ireo. Rehefa nahafantatra fa tokony hampiseho ny fitiavan'ny Kristy amin'ny fiaraha-monina rehetra izy ireo dia nampahery ny vehivavy hanao fanadihadiana mandritra ny herinandro manaraka ny amin'ny zavatra ilain'ny fiaraha-monina ny mpitandrina.

Ny herinandro manaraka, tao anatin'ny fivoriam-bavaky ny fiangonana dia nanao tatitra ny vehivavy fa misy vehivavy Hindu 12 tsy manana afa-tsy lamba fitafy 1 ihany isan'olona. Amin'ny andro mafana dia tokony hosasana isan'andro ny lamba fitafy. Raha tsy manana afa-tsy iray ny vehivavy dia tsy afaka mivoaka ny trano izy mandrapaha mainan'ny lamba fitafiny nosasany. Nanontanian'ny mpitandrina ny vehivavy ao am-piangonana raha misy manana lamba fitafy 3 ka afaka hanome ny iray amin'ireo ho an'ny vehivavy Hindu. Betsaka ny vehivavy namaly ny antso hanome. Ny herinandro manaraka dia lasa ny vehivavy nitsidika ny tokan-trano misy an'ireo vehivavy tsy manana afa-tsy lamba fitafy iray ka nanolotra azy ireo lamba fitafy hafa. Tena nampiaiky volana ny vehivavy Hindu ity fihetsika ity ka nahatonga azy ireo nanasa ireo vehivavy Kristiana hivavaka ho azy. Ny sasany amin'ireo vehivavy Hindu bevohoka koa dia nangataka ny vehivavy kristiana mba hivavaka ho an'ny zanany mbola ao am-bohoka.



Vakio ny tantara 2 – Rano ho an'ny mpiara-monina

Tamin'ny faritra iray dia niatrika tsy fahampian-drano lehibe ny mponina. Rehefa avy nianatra ny amin'ny fanirian'Andriamanitra mikasika ny tokony hanaovan'ny fiangonana asa eo anivon'ny fiaraha-monina ny fiangonana dia nanapa-kevitra ny mpitarika handihady ny amin'izay azon'ny fiangonana atao hamahana ny olan'ny tsy fisian-drano. Nahita olona izy ireo izay mampanofa



fitaovana entina manao lavaka fantsakana hadiana amin'ny tanana. Vao nahare izany ny olona dia nanda mafy io soso-kevitra io. Noheverin'izy ireo fa tena ho lalina be vao hahita rano. Raha nety ny nanao lavaka fantsakana atao tanana hoy izy nahoana no tsy efa natao hatrizay? Na izany aza dia nanapa-kevitra ny hanandrana hanao ihany ireo mpitarika ny fiangonana. Nofaina ireo fitaovana rehetra ilaina. Nentina teo amin'ny toerana nitoeran'izy ireo izany ary

nanomboka nandavaka tao an-damosin'ny trano fiangonana. Rehefa nipoitra ny rano tany amin'ny faha 13 metatra dia nihoby sy nihoraka tamim-pihetseham-po ny olona.







Ireo tsy mpiangona anefa dia tsy faly noho izany. Noheveriny fa hogiazan'ny mpino ho azy ireo ihany ny rano. Mifanohitra amin'izany anefa dia nanasa ny olona rehetra hifampizara ny fitahian' Andriamanitra ny amin'ny fahombiazana. Tsy ela taorian'izay dia tonga nanontany ny mpitarika fiangonana ireo solon-tenan'ny fiaraha-monina manodidina raha toa ka afaka ny hanampy azy ireo hanao toy izany koa. Nanaiky izany ny mpitarika ka tao anatin'ny herintaona mahery fotsiny dia lavaka fatsakana 15 no voalavaka natao tanana ka ny iray amin'izany dia maherin'ny 24 metatra ny halaliny.

Satria naneho ny fitiavan'Andriamanitra tamin'ny alalan'izany hetsika izany tamin'ny fiaraha-monina ny fiangonana, dia nihaiky volana ny mponina ka raha nanasa ny vahoaka hihaino ny hafatra ny amin'ny fitiavan'Andriamanitra ny fiangonana dia feno hipoka izany. Te hahalala bebe kokoa momba an'Andriamanitra sy ireo olona nanome rano izy ireo.

- Inona no nataon'ireo fiangonana?
- Fiangonana nanan-karem-be ve izy ireo?
- Harena manao ahoana no nampiasainy?
- Nahoana no nanao izany zavatra izany izy?
- Inona no fiantraikan'ny hetsika nataony?

Lesona 5: Tian'Andriamanitra hanampy ny fiangonana

5.2 Fafana misy ireo fomba entina manampy

Filàna	Fomba azon'ny fiangonana anampiana
Noana 	
Mangetaheta 	
tsy manan-kotafiana 	
Tsy manan-kialofana 	
Marary 	
Migadra 	

Lesona 6: Inona avy ireo filàna azontsika hanampiana

6.1 Ny mpitandrina Wong

Nisy mpitandrina fiangonana kely iray izay tamin'ny faritra mahantra ao amin'ny tanàn-dehibe iray, Wong no anarany. Vao tsy ela no nifindra tao amin'io fiaraha-monina io i Wong satria nahatsapa izy fa nirahin'Andriamanitra ho eo. Azo lazaina fa kely ihany ilay Fiangonana satria 40 teo ho eo ny mpikambana tao. Vehivavy sy zaza no ankamaroany. Nanana asa roa i Wong. Nanana asa hafa izy hamatsiany ny vadiny sy ny zanany roa izay mbola kely ary nanao izay tratry ny heriny hitandrina ny andian'ondry keliny.

Indray andro, arak any fanaony, dia niarina adiny iray mialoha ny mazava andro izy mba hanana fotoana manokana miaraka amin'Andriamanitra. Nitsangana izy, niakanjo ary nisisika moramora tao ambadiky ny lamba manasaraka ny efitra fandraisam-bahiny sy ny efitra mbola natorian'izy telo mianaka. Narehiny ilay jiro kapoaka kely misy solika ary nanomboka namaky ny baiboliny izy. Tamin'io maraina manokana io dia namaky tao amin'ny Isaia toko faha-58 izy, ary nihaino ny fitarainan'Andriamanitra ny amin'ny karazana fanompoam-pivavahana tiany:

Tsy izao va no fifadiana izay ankasitrahako: Dia ny hamaha ny famatoran'ny faharatsiana, sy hanaboraka ny fehin'ny zioga, sy handefa ny ampahorina ho afaka, ary hanapatapaka ny zioga rehetra? Moa tsy ny hizara ny mofonao ho an'ny noana va, sy ny hampiantrano ny ory manjenjena, ary mba hanafianao izay hitanao mitanjaka, ka tsy hihirim-belona amin'ny namanao ianao?

Tsy afaka nanohy intsony i Wong. Niady mafy tamin'ny sainy ny fony. Ahoana no fomba tena hikarakaran' Andriamanitra ny mahantra nefa i Wong aza mitoetra eo anivon'ny fahantrana sy ny fijaliana izay mamaky ny fony? Fantany tsara ny fahasahiranana atrehin'ny vahoaka ao amin'ny fiarahamonina mba hahafahany miaina. Tena ory izy ireo. Na dia manana ny ampy hikarakarany ny fianakaviany aza izy dia matetika tsy afaka mividy ny fanafody ilain'izy ireo. Nieritreritra izy hoe: "Aiza Andriamanitra? Ahoana no ahafahan'ity Soratra Masina ity mifanaraka amin'ny zavatra ilaina ao Las Pavas? "

Raha mbola miady mafy ao an-tsainy izy dia injao reny misy mandondona moramora ao am-baravarana. "Mba iza re izao tonga mamangy vao maraim-be izao e? hoy I Wong tao an-tsainy. Nankeny am-baravarana izy ary nanontany hoe: "Iza izao?" Dia namely ilay feo avy ao am-badika hoe: "I Jesosy ihany ity, Wong a." "Iza?" nanontany indray I Wong. "I Jesosy ihany e!" hoy ilay feo. "Iza marina ianao e?" mbola nanontany ihany I Wong. Dia namely ihany koa ilay feo: "Wong ô! I Jesosy ity, tonga aty aminao aho satria reko ny hiakiaky ny fonao. Tiako mba asehonao ahy izay mampitebiteby anao."

Tena tahaka ny feon'olombelona ilay feo. Nesorin'I Wong moramora ny hidim-baravarana ary nosokafany izany. Mbola mangiran-dratsy moa ny andro ka toa aloka fotsiny no hitan'I Wong, nefa dia sahala amin'i Jesosy ilay noeritreretiny izany. "Mandrosoa ary Tompo ô!" hoy Wong. "Tsia, ry Wong fa mba tiako raha entinao mitety ny tanananao aho ary aseho ahy izay mamaky ny fonao."

Sady gaga I Wong no nanaiky ary nampitandrina hoe: “Mila mitandrina tsara ary isika raha handeha hamakivaky ny tanananao satria somary avy be ihany ny orana tato ho ato ka be ny fotaka moa tsy dia ampy lava-piringa loatra aty”

Raha nandeha namakivaky ireo lalana anaty tanàna ry zareo dia mitantara ny amin’ireo trano lalovany amin’I Jesosy I Wong. Ato amin’ity trano ity hoy izy misy vehivavy nivarotra ny tenany mba hahafahany manome sakafo ny zanany. Ato amin’ity trano bongo manaraka ity indray no ahitana lehilahy mpimamo lava iray izay mikapoka ny vady aman-janany isaky ny mamomamo izy nefa dia matetika tokoa izany, iry am-pita iry indray no ahitana ny tranon’I prezida patron, lehilahy iray izay naka vola tamin’ny vahoaka ary nampanantena azy ireo ny hisarihana herin’aratra ho eto nefa dia nisotroany sy nilokàny ny volan’olona.

Dia nandalo toerana malalaka eo afovoan-tanàna izy ireo. Toerana tokony fo fivoriam-pokonolona izany nefa dia feno fako maimbo sy voalavo mifanaretsaka. “Hitanao ve iry trano iry? hoy Wong Sady manondro ilay trano ratsy kely eo an-tsisin’ily havoana izy”. Vehivavy iray sy zaza 4 no monina ao. Mitete be ny tafon-tranony ary tena mahantra izy ireo. Tena zara raha mitafy sy mihinana izy ireo ary matetika tsy salama. Dia tonga teo amin’ny sisin’ny havoana misy ny faran’ny tanàna ry zareo. Nanondro lavidavitra I Wong: “Ery ambany ery no fantsakan’ny vehivavy sy ny ankizy rano satria efa tsy misy rano intsony eto Las Pavas”

Raha nitohy niodina nanaraka ny lalana I Wong dia naheno sentosento. Nitodika nijery izay nihavian’izany I Wong ary indro hitany Jesosy nitomany! Hitan’I Wong tamin’izany fa izay nandratra sy nahavaky fo azy dia mba nandratra sy nahavaky fo an’I Jesosy koa. Nanomboka niteny I Wong nefa nanatona Jesosy ary namihina azy, nijery azy tsara ka nilaza hoe: “ Hitanao ry Wong, tiako aseho anao izay rehetra kasaiko hatao eto Las Pavas.”

Tampoka teo dia niondrika nijery an’ny Las Pavas I Wong. Nanomboka niteny Jesosy ary hitan’I Wong tsara izay famaritana rehetra lazainy ary indro koa fa tanteraka izany. Niresaka ny amin’ireo olona ao am-piangonan’I Wong Jesosy, fa na dia eo aza ny fahantrany dia mizara izay ananany amin’ireo mpifanolo-bodirindrina aminy izay mahantra noho izy. Hitany koa fa isan’andro dia manangona vary kely izy ireo ary rehefa tonga ny faran’ny herin’andro dia angoniny izany ka entiny any am-piangonana mba ho zaraina, amin’ny anaran’I Jesosy, amin’ireo mpiara-monina sahirana noho izy. Sahala amin’izany koa ny ataony amin’ny savony. Ireo vehivavy ao am-piangonana dia hitany fa lasa mamangy ny vehivavy hafa maty vady ary manampy azy ireo manasa ny lambany, mahandro ny sakafony ary mikarakara ny zanany rehefa tsy salama izy ireo.

Niresaka momba ny asa Jesosy, ary hitan’i Wong fa nanana asa ny olona. Tsy asa be karama, fa asa izay nanome fahamendrehana sy ampy nandoavana ny filàna fototra. Niresaka momba ny trano Jesosy, ary hitan’i Wong ireo trano ratsy izay nitete sy nangatsiaka dia lasa trano ara-dalàna. Tsy trano mihaja, fa trano izay azo antoka sy madio. Niresaka momba ny rano Jesosy, ary tampoka teo dia nisy toeram-pantsakana teo amin’ny toerana niavaka iray izay nahazoan’ny vehivavy sy ny ankizy maka rano madio. Niresaka momba ny fidiovana koa Jesosy, ary hitan’i Wong fa nisy lava-piringa, tsy isan-tokan-trano fa ampy ary azon’ny rehetra nampiasaina. Nanjavona ilay antotam-pako teo afovoan-tanàna ary teo amin’ny toeran’izany dia nisy hazo maro naniry ary indreo ny ankizy mifanaretsaka mifaly sy milalao ary mandaka baolina. Niresaka momba ny fiovam-piainana ihany koa Jesosy, ary hitan’i Wong fa ilay ramatoa nivarotra ny tenany hamelomany ny zanany dia nanana asa

mendrika. Ilay lehilahy mpimamo dia lasa vady sy ray mahate ho tia. Ilay prezidà patron kosa lasa olona mahatoky, nampiasa ny vola araka ny tokony ho izy ary nanampy ny mpiara-monina.

Avy eo Jesosy dia niteny hoe: "Wong, jereo ny fiangonana!" Dia nijery i Wong. Hitany fa feno izany. Nisy lehilahy betsaka teo! Faly ny vahoaka. Nidera an'Andriamanitra noho ny hatsaram-pony izy ireo. Hita tao koa i Wong nitory sy nampianatra ary nitarika ny vahoakany tamin'ny Fanahy sy tamin'ny asan'ny fankatoavana sy fitiavana. Nanazava Jesosy hoe: "Wong, ity fahitana ity dia tsy ho tonga amin'ny fahafenoany mandra-piveriko, nefa io no fikasako ho an'i Las Pavas. Tiako ianao hizara ity fahitana ity ary hanomboka hitarika ny vahoakan'i Las Pavas ho amin'izany. "

Nanomboka nanohitra i Wong hoe: "Nefa, Tompo ô!, mahantra loatra izahay!" "Wong" hoy i Jesosy nanontany azy moramora, "iza no nitondra ny zanak'Israely niampita ny Ranomasina Mena? Iza no nampitombo ny mofo sy ny trondro ary nanome sakafo lehilahy dimy arivo sy vehivavy ary ankizy? Iza no nampitombo ny menaka sy ny koban'ny mpitondratena tao Zarefata mba hananany ampy hamelomany ny fianakaviany mandritra ny telo taona amin'ny mosary? Iza no nampitony ny Ranomasin'i Galilia? "" Ianao no nanao izany, Tompo ô!, "hoy Wong. "Noho izany, Wong, aoka ankatoavino ny zavatra nangatahiko hataonao. Zarao izay anananao, na dia kely aza. Ambarao ny fikasako tsara ho an'ny olonao na amin'ny lafiny ara-panahy na ara-batana. Ary hahasitrana ny taninareo Aho!"

Nandre feon'akoholahy maneno i Wong. Ny vadiny henony nikohaka ary nihetsika teo ambadiky ny lambam-baravarana. Nipetraka teo akaiki'ny latabatra izy, saingy efa maty ny jirony. Efa nazava ny andro. Nitoditodika nijery an'i Jesosy i Wong saingy tsy nahita Azy. Nanontany tena izy hoe: "Nanonofy ve aho? Fahitana ve izany? "Tsy azony onona tsara, nefa fantatr'i Wong fa nihaona tamin'i Jesosy izy ary nahazo fahatakarana vaovao momba ny fiahian'Andriamanitra ny mahantra ... ary ny fahitana vaovao momba ny fomba hitarihany ny vahoakany amin'ny anehoana ny fitiavan'Andriamanitra ao Las Pavas.


- Inona avy ireo olana sasany hita tao amin'ny fiaraha-monin'i Pastor Wong? Zarao ho lisitra efatra ireo olana ireo: ara-panahy, ara-tsosialy, ara-batana ary ara-tsaina.
- Inona no fikasan'Andriamanitra ho an'ity fiaraha-monina ity? Jereo tsirairay ireo olana ireo ary jereo ny zavatra nasehon'i Jesosy ho vahaolana.
- Inona no nasain'i Jesosy hataon'i Mpitandrina Wong?

Lesona 6: Inona avy ireo filàna azontsika hanampiana

6.2 Fanadihadiana tranga: Jose sy Maria

Omaly, nirehitra ny tranon'i Jose sy Maria; tsy nisy na inona na inona tavela. Izy mivady sy ireo zanany dimy dia lasa nipetraka tamin-kavana. Na izany aza, efa olona 10 no miaina ao amin'io trano kely io, ka tsy misy toerana ho an'olona fito hafa intsony. Tantsaha i Jose ary efa vitany ny fiasana ny tanim-boliny, saingy mbola afaka telo volana vao ho tonga ny fijinjana. Lany nividianany voa ho an'ny tanim-boliny ny volany ary izay sisa azy dia may kilan'ny afo daholo.

Inona avy ireo sasany amin'ny zavatra ilain'ity ankohonana ity?



Inona avy ireo zavatra hita ao amin'ny fiaraha-monina azo anampiana?

- Olona
- Fitaovana
- Trano azo ipetrahana

Lesona 8:0 Fahatakarana ny fomba entina manampy

8.1 Toro lalana momba ny fifanakalozan-kevitra mikasika an'dRamatoa Lee

Eritrereto ny tantara mikasika an-dRamatoa Lee ary mifanakaloza hevitra ny amin'ireto fanontaniana manaraka ireto:

1. Inona no nataon-dRamatoa Lee ho an'ny fianakaviana tsirairay?
2. Inona no vokatr'ireo fihetsik'i Ramatoa Lee?
3. Inona no nitranga raha nanome vola na sakafo ho an'ny tsirairay amin'ireo olona ireo fotsiny Ramatoa Lee?
4. Raha toa ka nanome vola azy ireo isam-pianakaviana isan-kerinandro nandritra ny roa taona izy ary avy eo dia nitsahatra, heverinao ve fa nihatsara bebe kokoa ny ny fiainan'izy ireo araka izay nataony?
5. Inona no fahasamihafana eo amin'ny fanampiana amin'ny vola sy ny fomba nanampian-dRamatoa Lee?
6. Alaivo sary an-tsaina raha maro amintsika no manomboka nanao hetsika toa an-dRamatoa Lee: mitsidika fianakaviana sy mihaino, mijery ary miezaka hahatakatra ny olany ary avy eo mitady vahaolana. Inona no mety ho fiantraikany eo amin'ny fiaraha-monina misy anao?


Lesona 8: Mahatakatra ny fomba entina manampy

8.2 Toro lalana momba ny fifanakalozan-kevitra mikasika ny fianakaviana sahirana

Misy fianakaviana iray izay mipetraka akaikin'ny fiangonanao. Matetika ny vadiny dia lasa, fa indray mandeha isam-bolana na in-droa izy no miverina mandritra ny andro vitsivitsy ary mitondra vola kely ho an'ny fianakaviana. Ilay vehivavy no mikarakara ny zanany telo ary tsy misy amin'izy ireo no mianatra any an-tsekoly. An-davan'andro dia mikarenjy eran'ny tanàna fotsiny, tsy misy kapa ny tongony ary manao fitafiana tranainy izy ireo. Efa miharatsy be ny tranony ka mitete be izany rehefa avy ny orana. Rehefa mba mandalo ilay trano ianao dia maheno ireo ankizy mitomany satria noana.

Inona avy ny filan'ity fianakaviana ity?

Inona no fomba azonao anampiana ity ankohonana ity araka ny nataon-dRamatoa Lee?



Lesona 9: Hetsi-pitiavana

9.1 Endrika isehoan'ny hetsi-pitiavana

1. Atao mba hanehoana ny fitiavan'Andriamanitra

- Inona no eritreretin'ny tsy Kristiana mikasika ny kristiana eo amin'ny fiaraha-monina misy anao? Nahoana?
- Tonga any am-piangonana ve ny olona na tsy asaina aza? Nahoana? Ary raha mila asaina, nahoana?
- Inona no eritreretin'ny tsy kristiana mikasika an'Andriamanitra? Inona avy no heverin'izy ireo ho toetra mampiavaka an'Andriamanitra?
- Inona araka ny eritreritrao no mety holazain'ny olona ao amin'ny fiaraha-monina misy anao raha manomboka manao ny sasany amin'ireo zavatra voalaza ao amin'ny tantaran'ny hetsi-pitiavana ny fiangonanao?
- Nahoana isika no te hifantoka amin'ny fanaovana hetsi-pitiavana amin'ny tsy Kristiana fa tsy amin'ny Kristiana?

2. Atao ho fankatoavana an'Andriamanitra

- Nahoana i Jesosy no nilaza fa zava-dehibe ho antsika ny mankatò izay andidian'Andriamanitra antsika?
- Ahoana no fandraisan'ny fiangonana fanapahan-kevitra ny amin'ny hoe iza no tokony hanehoana ny fitiavan'Andriamanitra?
- Inona no fiantraikany na fiovana teo amin'ny fiaraha-monina?

3. Atao amin'ny alàlan'ny herin'Andriamanitra

Jereo ao amin'ny Jaona 15: 1-8

- Inona no ambaran'io andalana io amintsika momba ny habetsahan'ny zavatra azon'ny herintsika atao? Inona no hevitr'izany araka ny eritreritrao?
- Ahoana no hitondrantsika vokatra bebe kokoa?
- Ao amin'ny Jaona 15:5 Ny Baiboly dia milaza fa: "...Izay miray amiko, ary Izaho aminy, dia mamoa be izy..." Araka ny eritreritrao, inona no hevity ny hoe miray amin'Andriamanitra?
- Ahoana no hahafahantsika mitoky amin'ny herin'Andriamanitra mandritra ireo tetik'asa ireo?

4. Atao mba hahazo dera Andriamanitra

Vakio Jaona 15:8

- Inona ny tanjona ny amin'ny hoe mitondra vokatra betsaka?

Vakio Matio 5:13-16

- Inona ny antony anaovantsika asa tsara?
- Inona no tokony ho tanjona tratarintsika raha manao hetsi-pitiavana?

5. Kely sy tsotra

- Araka ny eritreritrao, inona ny maha zava-dehibe ny fanombohana hetsi-pitiavana kely sy tsotra?

6. Atao amin'ny fampiasana ireo loharano eo an-toerana

- Nahoana ianao no mieritreritra fa ny iray amin'ireo toetra mampiavaka azy dia atao amin'ny loharano eo an-toerana - ireo loharano nomen'Andriamanitra anao fa tsy avy any ivelany? Nahoana araka ny hevitrao no zava-dehibe izany?

Tomban'ezaka ny amin'ny asa vita

Eritrereto ireo hevitra izay naseho nandritra ny fampiharana ity lesona ity. Manaova vondrona misy olona tsiroaroa indray ary samia mifidy telo amin'ireo hetsika ireo mba hodinihana. Diniho ireto fanontaniana manaraka ireto:

1. Ahoana no ahafahan'ity asa atao ity hanampy anao hampiseho ny fitiavan'Andriamanitra amin'ny fiaraha-monina? Inona no azonao ampiana na ovaina amin'io asa io mba hahatsara kokoa ny fanehoana ny fitiavan' Andriamanitra?
2. Inona no ohatra iray amin'ny tetik'asa kely sy tsotra izay azo tanterahana ao anatin'ny andro iray?
3. Inona avy ireo loharano ilaina mba hamitana ity tetik'asa ity izay azo alaina maimaim-poana ao amin'ny vondrom-piaraha-monina misy anao?
4. Ahoana no hanovan'ity asa ity ny fiaraha-monina? Izany ve ny karazana fanovana tianao ho hita ao amin'ny vondrom-piaraha-monina misy anao? Raha tsia, ahoana no hanovana azy mba hampisy fiantraikany tsara kokoa eo amin'ny fiaraha-monina misy anao?
5. Ahoana no hahalalantsika raha nanao izany asa izany tamin'ny fankatoavana an'Andriamanitra isika?
6. Heverinao ve fa homem-boninahitra Andriamanitra amin'ny fanatanterahana izany asa izany? Ahoana no hahafahantsika mandray anjara amin'ny fanomezam-boninahitra Azy amin'ny zavatra natao?

Lesona 10: Mandrafitra ireo hetsi-pitiavana

10.1 Ireo takelaka fanaovana drafitra

1. Vakio ireo dingana fanaovana drafitra
2. Mifanakaloza hevitra ny amin'ny drafitra hatao mikasika hetsi-pitiavana iray.
3. Mivavaha
4. Hamarino raha mifanaraka amin'ny endrika 6 isehoan'ny hetsi-pitiavana ny hevitrao.
5. Manomboha manao drafitra ny amin'ny hetsi-pitiavana tianao atao
6. Mivavaha
7. Zarao amin'ny hafa ny drafitra nomaninao ary mandraisa hevitra avy amin'izy ireo koa
8. Mivavaha

Dingana fanaovana drafitra

Dingana 1: Mivavaka

Ny zavatra voalohany tokony atao dia ny mivavaka. Amin'izao fotoana izao dia makà fotoana hivavaka. Angataho Andriamanitra haneho anareo izay asa fanehoam-pyitiavana tokony hataonareo.

Dingana 2: mifantina ny asa

Aoka ny vondrona no hifidy izay azony atao hetsi-pitiavana. Mijere amin'ireo hevitra notanisainareo tao amin'ny lesona "Tian'Andriamanitra hanampy ny fiangonana" sy " inona avy ireo mety ho filàna ao anaty fiaraha-monina." Mifaneke ny amin'izay tsapanareo fa itarihan'Andriamanitra anareo.

Rehefa avy nifidy loha hevitra iray ianareo dia ataovy azo antoka fa zavatra azonareo atao ao anatin'ny 1 na 2 andro. Raha tsy izany dia azonareo atao ve ny manao dingana iray na roa ihany?

Dingana 3: Manapaha hevitra ny amin'izay zavatra ilaina

Ny dingana manaraka dia ny manomboka manao drafitra? Voalohany dia tokony hanapa-kevitra ny amin'izay zavatra ilaina hanatanterahana ny tetik'asa, olona manao ahoana no ilaina, fitaovana manao ahoana, fahazoan-dalana manao ahoana sns... Hanampiana anao hieritreritra izany rehetra izany dia azonao ampiasaina ny pejy malalaka ao amin'ny bokin'ny mpianatra. Rehefa feno ny zavatra rehetra ilaina ny tsanganana voalohany dia afaka manapa-kevitra indray ny amin'izay hiandraikitra sy ny daty tokony hanatanterahana ny asa.

Dingana 4: Sorato ny drafitra

Ataovy azo antoka fa mamaly ireto fanontaiana ireto ny drafitra nataonareo. (Raha tsy dia mahay mamaky teny ny olona ao amin'ny vondrona dia tsy dia zava-dehibe ny hanoratana ny drafitra nefa ataovy azo antoka fa efa nodinihin'izy ireo tsara ny fanontaniana rehetra..)

- Inona ny zavatra hatao?
- Inona avy ireo zavatra ilaina hanatanterahana izany? Aiza ny hahazoana izany?
- Iza no hampiana? Efa nanontaniana ve izy ireo?
- Iza avy no handray anjara amin'ny fanampiana?
- Rahoviana no hanaovana izany?

Dingana 5: Mivavaha

Rehefa vita ny fanoratana ny drafitra dia mbola makà fotoana hivavahana indray. Angataho Andriamanitra hanampy amin'ny famitana ny tetik'asa ary hampitombo ny vokatry. Mivavaha mba ho ny anarany no hahazo voninahitra. Mandritra ny 1 na 2 herinandro manaraka raha miomana ho amin'ny fanatanterahana ny tetik'asa ianareo dia tokony hitohy hivavaka mba hanampian'Andriamanitra anareo.

Dingana 6: Ataovy ny asa

Ny dingana manaraka dia ny fanatanterahana ny asa ao anaty drafitra. Atombohy amin'ny vavaka ny andronareo ary atolory an'Andriamanitra ny herinareo. Tadidio fa manao an'io asa io ho fanehoana ny fitiavan'Andriamanitra amin'ny fiaraha-monina ianareo. Miezaha mihazona izany toe-po izany hanatrarana ny tanjona.

Dingana 7: Manaova toman'ezaka sy tatitra

Ny dingana farany dia ny fanaovana tatitra sy toman'ezaka. Nahoana moa no tokony hanao toman'ezaka isika? Satria manampy antsika hianatra izany. Afaka mieritreritra ireo zavatra vita tsara sy izay tokony atao hanatsarana izany. Tsy voatery ho zavatra lavitr'ezaka izany fa maka fotoana fohy fotsiny mamaly ireto fanontaniana manaraka ireto:

- Inona avy ireo asa vita tsara?
- Inona no tsy nandeha tsara?
- Inona no fanatsarana tokony atao amin'ny drafitra?
- Mifanaraka amin'ny nandrasanao ve ny valiny? Raha tsy izany, nahoana?
- Nahazo voninahitra ve Andriamanitra?

Manana ny taratasy fanaovana tatitra tokony homena anareo ny mpampiofana. Nahoana no manao tatitra isika? Ao amin'ny Marka 6:30, dia hitantsika fa nanao tatitra tamin'I Jesosy ny amin'izay zavatra rehetra vitany ireo mpianatra. Manao tatitra isika ho fanehoana fahatokiana sy fankasitrahana an'ireo rehetra izay nampianatra antsika sy nanomana ireo fitaovana sy nampiofana antsika. Ny fanaovana tatitra dia manome antsika fahafahana mizara izay zavatra vita sy mijoro vavolombelona ny amin'ny nampiasan'Andriamanitra ny ezaka natao. Manome fahafahana ny mpampiofana koa hahita raha misy olana ary hitady fomba hanatsarana ny fanompoana anareo amin'ny fotoana manaraka.

Takelaka fanaovana drafitra

	INONA	IZA NO TOMPON'ANDRAIKITRA	TME
LOHARANO			
OLONA MANDRAY ANJARA			
MPISITRAKA			
FAHAZOAN- DALANA			
VAVAKA			

